

DECRETO DA ALCALDÍA

Expediente 1197/2020

O día 14/03/2020, o Goberno do Estado declarou o estado de alarma mediante o Real decreto 463/2020, publicado no BOE nº 67 de 14.03.2020.

Diante desta nova situación, faise preciso adoptar medidas que contribúan á contención da enfermidade, garantindo ao mesmo tempo o mantemento da prestación dos servizos municipais esenciais.

Por elo, no exercizo das competencias que a normativa vixente en materia de réxime local lle confire a esta Alcaldía en canto á dirección da política, o goberno e a administración municipal, previstas na Lei 7/1985, de 2 de abril, Reguladora das Bases do Réxime Local, e Lei 5/1997, do 22 de xullo, de Administración Local de Galicia,

RESOLVO

Primeiro. Decretar, dende o 16 de marzo de 2020 e durante o tempo que dure o estado de alarma declarado polo Goberno do Estado, o peche total da atención e prestación de servizos presencial nas oficinas e instalacións municipais, agás aqueles servizos que se declaran como esenciais no punto segundo deste acordo.

Segundo. Declarar como servizos públicos municipais esenciais os seguintes:

- 1) Oficina de rexistro da casa consistorial.
- 2) Servizo municipal de novas tecnoloxías.
- 3) Servizos sociais e Centro de Información á Muller (CIM).
- 4) Brigada municipal de obras e servizos.
- 5) Servizo de inspección municipal.
- 6) Cemiterio municipal.
- 7) Seguridade e emerxencias.
- 8) Conserxería e atención telefónica da casa consistorial.
- 9) Servizo de limpeza municipal.
- 10) Servizo de axuda no fogar.

A atención nestes servizos esenciais serán unicamente telefónica e telemática. A atención presencial motivada unicamente en razóns de urxencia precisará cita previa.

Os teléfonos e correos electrónicos de contacto aos que poderá dirixirse a cidadanía publicaranse na web municipal (www.lalin.gal).



Terceiro. Lembrar a toda a cidadanía a posibilidade de tramitación telemática da totalidade dos procedementos municipais a través da sede electrónica (<https://lalin.sedelectronica.gal/info.0>).

Cuarto. Todos os empregados públicos municipais cuxas funcións permitan o seu desenvolvemento a distancia, prestarán o servizo dende o seu domicilio na modalidade de traballo non presencial. A tales efectos a administración facilitará fórmulas de teletraballo ou de traballo a distancia. Todos os empregados públicos que realicen funcións que non se poidan desenvolver mediante o traballo non presencial deberán permanecer nos seus domicilios, quedando as súas actividades suspendidas temporalmente, salvo que desempeñen funcións de carácter esencial.

Este persoal deberá acudir presencialmente aos seus lugares de traballo cando o desempeño das súas funcións así o esixan porque así o determinen as xefaturas de cada servizo ou concelleiro/a responsable.

Naqueles casos en que as funcións de carácter esencial deban desempeñarse presencialmente, estableceranse as quendas necesarias para garantir a prestación do servizo e minimizar ao máximo o risco de contaxio laboral, arbitrando medidas organizativas para a protección da súa saúde, como pode ser a reordenación de espazos.

Todos os empregados permanecerán localizables dentro da súa xornada laboral ordinaria.

Deberán reincorporarse ós seus postos de traballo de forma presencial se así se require por necesidades do servizo.

De acordo co establecido no artigo 5 do Real decreto 463/2020, de declaración do estado de alarma, o persoal do corpo de policía municipal queda baixo as ordes directas do Ministro do Interior aos efectos do referido Real Decreto.

Quinto. O Parking municipal, de xeito excepcional, estará aberto de 009:00 a 21:00 horas coas barreiras levantadas, prestando servizo de xeito gratuíto. Non contará con persoal de servizo, agás no caso en que xurdan eventualidades que se comunicarán vía telefónica, estando ditos empregados localizables por quendas.

Sexto. Suspéndense os términos e interrómpanse os prazos para a tramitación dos procedementos administrativos. O cómputo dos prazos reanudarase no momento no que perda vixencia a declaración do estado de alarma ou, no seu caso, as prórrogas do mesmo.

Sétimo. Dar publicidade deste decreto mediante todos os medios internos e externos dispoñibles, procurando a máxima difusión á cidadanía.





Lalín muncípio

Secretaría Xeral



Concello de Lalín

O Alcalde
José Crespo Iglesias

Dou fe. O Secretario Xeral
César López Arribas

L A L I N

